



Ассаламу г'ялайкум, дубурланти!

ШИЛА Г'ЯМРУ

СЕЛЬСКАЯ ЖИЗНЬ



Дахадаевла районна жамиг'ятла - политикала газета

№ 12 (8607) 2024-ибил дус.

Мартла 22.

Жумяг'.

Багъа 12 к'зуруш 32 кепек

Депутатунала сессия бетерхур

Дахадаевла районна администрациялизиб районна депутатунала Собраниела яргаличилси 35 ибил сессия бетерхур. Балбуцличиб ахъбуциб «Г'яштила шила совет» МО-лизир ванзурби дузахъни ва юртани т'ашдалтни; Кубачила шилизир ванзурби дузахъни ва юртани т'ашдалтни; муниципалитетла балланслизирти ванзала участокунни, пожарная часть республикала вег'идешлизи дедес ибси масъала х'ербариб. Илк'яйдали х'ербариб вег'идешлизи дедес районна администрацияла мерличиб чуни чус г'уни чебилахънила шайчирти мерла къадрила хасли дедибти ихтиюртала бут'нира.



Сессия дураберк'иб депутатунала Собраниела председатель Рабазан Г'ямаровли бек'деш дирнила удиб.

Докладчикунни саблин г'айбухъун районна бек'ла заместитель Артур Х'ямзатов, Кубачила шила бек' Г'ябдусалам Куртаев ва администрацияла аппаратла царх'илти специалистунни.

Депутатунани цаурк'ли г'ердуциб лерилра ахъдуцибти масъулти ва «Г'яштила шила совет» МО-ла генеральный план тасдикъбирнила масъала г'ерг'исиг'уна заседаниеличиб х'ербареслибариб.

Информационный центр.

Хайри кайсниличила масъала х'ербариб

Дахадаевла районна администрациялизиб районна активличил дураберк'ибси яргаличилси совещаниеличиб «Дахадаевла район» МО-ла ва районна МОУ-ла руководителтани муниципалитетла къуллукъла х'янчизартани 2023 ибил дуслизиб кайсуси хайриличила справкаби лугнила масъала ахъбуциб.

Совещание бетерхур районна бек' Мях'яммад Г'ябдулк'ядиоровли бек'деш дирнила удиб. Муниципалитетла х'янчизартани хайриличила справкаби лугни мяг'иничебси баркъуди саби. Илди пачалихъла х'янчизартани кайсуси хайриличила г'ячихъти баянтачила сари г'ай. Совещаниебачир илдиг'унти масъулти х'ердирни х'яжатти т'алабунира нормативтира чедетаахъили дузахъни саби.

Балбуцличив докладличил г'айухъун районна адмирнстрацияла бек' специалист Рабадан Рабаданов.

«Законни чебаахъили саби муниципалитетла х'янчизартала хайриличила, мас-мулк'личила ва мас-мулк'ла шайчирти чеаслумачила г'ерг'исиг'уна дула апрелла 30 -йчиб къай х'ебилахъубли баянти г'яладихъес. Кадизахъурти баянти г'яладирхъути сари майла 30-йчир къай х'едиахъубли.

Илди манзилти кадизахъурти сари 2024 ибил дула мартла цаличибдси «Дахадаевла район» МО-ла Администрацияла 35 ибил номерличилси хайриличила, харжаначила, мас-мулк'личила, «Дахадаевла район» МО-лизир муниципальный къуллукъла х'янчиличи кабирниличила баянти

г'яладирхънила Къяйда тасдикъбирниличила х'укмуличил», - буриб Р.Рабадановли.

Г'ур докладчикли чедетаахъили баянти г'яладихъиб «Рушбатчидешличи къаршидеш дирни» ибси ФЗ бузахъес багъандан ФЗ-273 ва ДР-ла к'ибиб Закона 109 номерличилси ДР-лизиб муниципальный къуллукъличи кабирнила, депутатла представительный органна, шимала агиличила, сарира ДР-ла Бек'ла Управлениелизи г'яладихъибти.

«Справка бирцахънила жура дурабурк'уси саби «Справка БК». 2.5.5 ибси хасси программа х'ясибли», — буриб илини.

Илини илк'яйдали къант'ли буриб илг'уна бузери дурабурк'ух'ели пачалихъла жавабкардеш дихниличила ва рушбатчидешличи къаршидеш дирнила мурадличил сег'уна баркъуди дурабурк'усил.

«ФЗ-ла положениеличил балбикахъили, саниг'ятлати бетуцунни дузахъух'ели, закон буахъалли, выговор яра строгий выговор балахъуси саби, х'янчилавадди акъувалтуси сай.

2023 ибил дула дух'нар декларационный манзилла дух'нар хайриличила шимала 26 бек'ли, районна собраниела депутатунала председатели, «Дахадаевла район» МО-ла бургани справкаби, районна собраниела депутатунала 55 ва 208 шимала депутатунала уведомлениеби г'яладихъили сари. Илди кагъуртазир ва электронный вариантлизир Дагъистан Республикала Бек'ла Управлениелизи даахъили сари», - багъахъур докладчикли.



Совещаниела итогунни кайули, Мях'яммад Г'ябдулк'ядиоровли багъахъур хайриличила декларацияби заманаличир лугнили мяг'иничебси баркъуди биъниличила.

«Муниципалитетла къуллукъла х'янчизартани хайриличила багъахъниби г'яладирхъни челукъуси саби. Илдиг'унти декларацияби заманаличир лугнили пачалихъла къуллукъла х'янчизартала арцлашалти жавабкардеш г'ячихъли дийни ва илдачи х'еруди бузахъни белгибирули саби», - или буриб илини.

Информцентр.

Районнизир выборы ункъли детерхур

ЦауркИли дурабухъун



Дахадаевла районнизир Россияла Президент виркИнилис хасдарибти выборы жигарчерли дурадеркИиб ишди бурхИназир.

Гъарил шилизибти лебилра адамти къайгъилизбри уржили тIамри дедес дурабухъес. Илкъяй-дали цабалги выборычи дурабухъунти дахадаевлантас баркалла багъахъес лайикъли саби. Дубурлантани улкала челябкъла белгибирнилизир жигарла бутIакъяндеш дирни дигесира саби. Хаслира халаси хIянчи дураберкИиб блогертани, наблюдательтани (хIеруди бузахъантани).

Чидил ши гъанбушаллира, тIамри хIедедибти адамти кали ахIен или буралра хатIа бетхIерар. БурахIелли, Къялкнила шила жамигIят избирательный участоклизи цауркИли дурабухъун. Жагъилтира гIести гIямрула адамтира участокунази бякъун, бухънакабаибти ва чулахъуни биалли ила букъес бирули ахIенри ва илдас хъулирад тIамри дедахъес кумекбариб. Абзурли хъалибаргла членти башулри тIамри дедес: бегIтачил, гIямрула бархкъябачил, дурхIначил, хала бегIтачил, узби-рузбачил ва цархИилти тухумтачил .



Гъести гIямрула адамтира ца шайчиб кахIелун

Гъести гIямрула дусми ва къулайгарси арадеш диргаладулхъули ахIен Россияла къисмат ирзниллизир бутIакъяндеш дарес багъандан. Дахадаевла районнизир бегIлара гъарахътигъунти сарти ГIяштила ва Дирбагъла шимазиб хIербирути адамтани баркалла багъахъур хIябал бархИила

манзиллис тIамри дедес имканти акIахъни багъандан. Илгъуна бетуцла гIяхIдешли чус замана бикибхIели ва чус дигухIели выборычи букъес бирули саби адамти.

Шимала бахъалгъунти адамтас тIамри лугни мягIничесби баркъудили бетаурли саби, ва выборычи бутIакъяндеш дарни улкала жамигIятла-политикала гIямрулизи чунира пай кабихъес имкан акIни саби. Илкъяйдали чула дурхIнала ва илдала баркъибтала челябкъла гIяхIсилли бета-рахъули саби.

«ХIябал бархИила бухIнаб тIамри дедес вирнили бахъалгъунти адамтас выборычи бутIакъяндеш дарес гIяхIти имканти акIахъули сари. Хаслира архIяличи дурабулхъутас ва бузерила график хIясибли замана ургарбикахъес къиянбулхъутас кункдеш акIубли саби. Нушала районна адамти разили саби илкъяйдали выборычи лебилра адамтани бутIакъяндеш дарес виэсти имканти акIахъухIели ва баркалла бикIули саби. Иличибли вегIли тIама лугухIели бархъси хIукму дурасесра вирули сай», — бикIули саби УИК0395-ла членти.

ГъанбиркахъехIе, бухъянси манзиллизир тIамри дедлугниличибли бахъал адамтани бутIакъяндеш дирни гIеббуцили саби ва улкала челябкъалалис гъарил бедибси тIамала мягIничесдеш чебиахъули саби.

Бахъал биштIатала бегIтанира гIеббуциб

Выборычи тIамри дедлугнила бекIлибиусигъуна бархИи районнизирти шимазиб районна избирательный участокунази Президент виркИнила выборычи бутIакъяндеш дарес бакIилри бахъал биштIатала бегIти чула бегIтачил ва хала бегIтачил барх гIяхIцад хъалибаргу-



ни. Илдани улкалис баркалла балахъули саби чула хъалибаргуни гIердурци багъандан. Улкалис мягIничесби манзиллизиб жигарчебли илкъяйда выборычи бакIнили якъинбирули саби дубурлантала патриот бяркъ лебнилис ва ВатIайс мардеш дирнилис.

Жагъилтас мисал чебаахъиб

Районнизир УИК-ла члентани чутил дарх хIяжатти документунира, тIамри дедлугнилис хасбарибси урнара касили, хъулразиб адамтази



тIамри дедахъес багъандан дурабухъун.

Россияла Президентла выборычи бутIакъяндеш дирули, хъулир тIамри дедес бирути саби Госуслуги порталлизир хIяжатти заявлениеби дедибти адамтала маломобильный къу-къяли.

Гъести гIямрула адамтанира выборычи ункъли бутIакъяндеш дариб. Чула нукъанси арадешличира хIерхIеили, илдани тIамри лугес къасбарилри. Хуршнила шилизирадси бегIлара гъести гIямрула адам сарри 90 дус риубси. Илгъуна халаси опытличилти адамтани выборычи бутIакъяндеш дирни гъатIира халаси къиматла саби. Чула къайгъначил ва хIяжатагардеш хIедирнличил илдани жагъилтас мисал чеби-ахъули саби.

«Нушани мурталра выборычи бутIакъяндеш дирути сари. Иш гъакIисра ишкъяйда мягIничесби анцIбукъ ца шайчиб батес хIедирехIе. Гъарил адамла тIама мягIничесби сабигу», — бикIулри гъести гIямрула адамти.

Улкала челябкъла багъандан

Выборычи ванза бузахъантани жигарла бутIакъяндеш дариб тIамри лугуси хIябъибил бархИи

Нушала улкализиб политикашалли ландшафт гъунчиркахънилизиб ванза бузахъантани, избирательтала бекIлибиусигъуна къукъя саблин, мягIничесби мер бурцули саби.

«Шила хозяйство бузахънилизир хIяжатти багъуддумачил бегIбиубти ванза бузахъантани иргъули саби улкала челябкълализиб чуни тIамри лугнила къадричесдешличила. Илкъяйдали илдани политикашалли масъулти ирзниллизир чула пикруми иргъахъули сари ва выборычи бутIакъяндеш дирули сари. Илдала пикри

(Хъарахъуд — 3-ибил бяхIлизиб)

Районнизир выборти ункъли детерхур



(БехІбихъуд—2-ибил бяхІлизиб)

мер-мусаличир сархибдешуни дирахъанти саби. Илдани миллатла шила хозяйствова производствова вавалибирхъяхънила баркъуди гѳебурцули саби. Ванза бузахъантани выбортазир бутлкъяндеш дарни бяхІчаибси саби шила мер-муса гъаладяхІ дашахъниличичи, шила хозяйствово хІяжатти аги-къяйда алкъахъниличичи ва ванза бузахънила бизнес вавалибирхъяхъниличичи.

Илкъяйдали, выбортала хІябъибил бархІи ванза бузахъанти ункъли бутлкъяндеш дирниличибди декларбулхъулри. Россия гъалабяхІ башахънилизиб чунни кабирхъуси пай сегъуна сабил иргъути илдани улкала челябкъла багъандан тІамри дедиб.



Бургъантала бегІти пахрули биркъулри илгъуна мягІничебси баркъудилизир бутлкъяндеш дарес имканти акІниличичи.

«ИшбархІи нушала уршбани нушала ахІерси ВатІан балтахъули саби. Нуша пахрули дицІилра илдани нушала даршудеш балтахъниличичи. Илди гъамси манзиллизиб чедибдешра сархили хъули чарбулхъниличичи дирхулра. Нушара нушала даршуси челябкъла багъандан сарра тІамри дедес дакъибти.

Информационный центр.

ХІясибли, кандидатуни ва программаби белгидирнила, лайикъси кандидатли тІамри деднили шила хозяйствова гъалабяхІ башахъести имканти алкъахъа», - буриб шила хозяйствова отдела начальник МяхІяммад ГІябдуллабековли.

Бурес хІяжатбиркур, ванза бузахъанти шила

Даршуси челябкъла багъандан

Уркухъла шилизисибси избирательный участокли челябкълализив улкала Президент вета-русилис тІамри дедес бякъун чула уршбани СВО-лизир бутлкъяндеш дирути МяхІяммад Абакаров ва илала ГІямрула марси гъалмагъ Раисат Абакарова.

Мартла 19 — подводника БархІи

Гъабзадешла хатІли делкІунти къел

«Шинна удибадди башуси лодкаличибгъуна цугдеш чинабалра бируси ахІен, илабти яра лебилра цахІнаб чедибиркути саби, яра цахІнаб улхуту саби»

М. И. ХІяжиев.

1996 ибил дусличивадди гъар дусла мартла 19-личиб Россиялизиб моряк-подводника сангІягласи байрам дурабуркъуси саби. Ил байрамла бархІи дагъистанлантанира мурталра пахруличил гъануршули вирар хабарла советский дявила моряк-подводник, Северный флотла шинна удирадди дашути (подводные) лодкабала бригадала цаибил дивизияла командир, кІибибл рангла капитан, Советский Союзла Игит МяхІяммад Имадутдинович ХІяжиев. Дагъистайзивадди ил бегІ гъалав сайри Советский Союзла Игитла уличи лайикъкибси.

МяхІяммад ХІяжиев акІубси сай 1907 ибил дусла декабрьла 7 (20-личив) Гъунибл районна Мегебл шилизив. МяхІяммадла дудеш Имадутдин цадахІ баянти хІясибли дарган сай, цархІилти баянтазив кІарахъан сай или бурули саби. Неш Кумухлизирадси Хурбиче (Хурибича) булеги сари. Документуназиб биалли ил кІарахъан сай или белкІи саби. Илкъяйдали ил хІябалра миллатли чула вакиллизичи халирусил ва лебилра Дубуртар Улкала пахрули ветаурси гІяхІгъабза дубурлан сай.

МяхІяммадла дурхІядеш Кумухлизир детерх-

уртири. 1920 ибил дуслизив илини ХІунтІена ГІярмияла къяназиб къуллукъбарисире. Пулеметная бригада кІа красноармеец М.ХІяжиевли Северный Кавказлизир детерхурти граждан дергълизир бутлкъяндеш дарибтири.

ГІур ил узули калун заводлизивра. 1925 ибил дуслизир Дагъиста педагогический техникумла кІел курс таманабтири.

МяхІяммад ХІяжиев 1925 ибил дусличивадди Дявила-урхъула флотлизив сайри. 1931 ибил дуслизив М.В.Фрунзела уличилси Дявила-урхъула училище таманбисире. Цудара урхъула Урхъула Цакъанази вархъибсири ва шинна удибадди башуси «А-2» («Коммунист») лодкаличив дявила минабала частьла командирла къуллукъуни хъардарибтири. 1932 ибил дусла майличиб С.М.Кировла уличилси белчІудила заведение таманабисире ва шинна удибадди башуси А-4 («Политработник») ибси лодкала командирла кумекчили катурсире.

ГІур заманалис Д-6 («Карбонарий») бикІуси шинна удибадди башуси лодкала командирла къуллукъуни дузахъулира калунсире. Ил дуслизив М-9 бикІуси шинна удибадди башуси лодкала командир варибсири. КІел дус ил къуллукъ бузахъули калунсире. ЦархІилти къуллукъунира хъардарибтири иличи.

1939 ибил дуслизив МяхІяммад ХІяжиевли К. Е. Ворошиловла уличилси Дявила-урхъула ака-

демия таманабисире. ГІур ил урхъули сай Северный флотлизичи ва иличи флотла штабл 2-ибил отдела 2-ибил отделениела начальникла къуллукъуни хъардирули сари. 1940 ибил дусла октябрьличив ил Северный флотла шинна удирадди дашути лодкабала бригадала цаибил дивизионна командир варибсири.

ЧебяхІси ВатІа дергъ бехІбихъибхІели М.ХІяжиев Северный флотлизив сайри. 1941 ибил дусла июлла 30-йчиб илис 2 ибил рангла капитанна у бедибсири. Дергъ бехІбихъибхІейчирадди ХІяжиевли дивизионни 12 дявила поход дурадкеркІибтири. 1942 ибил дусла дуцІрум-лис М.ХІяжиев бутлкъяндешличил душма 10 транспорт кагІяхъибтири. Урхъула дявиллизир ил дубурлан багдадури чедиахъути игитдешла баркъудлумала хабардерхуртири. Лерилра кораблибазив ил урхъулици дураулхъухІели бортиличив халалгъуна вирусире ва буйрухъикІусире.

ЦахІнар хІясибдарибхІели МяхІяммад Имадутдиновичли 127 бархІи-дуги деркІили сай дусличира ахІебикбси манзиллизир. Ил ахъси къиматличи лайикъси баркъудира саби.

ЧелкІуси наслулис игитдешла ва гъабзадешла мисалли ветаурси дубурланни дурадкеркІибти гъунартачила дахъал баянти даили сари нушачи. Гъанна нушала улкала бургъантани СВО-лизир бутлкъяндеш дирухІели, илдигъунти игитуначи мешубикес илдани къасбирни якъинси саби. Илдигу адам итил дуньяличичи аряки гІергъи, дуньяличир кавлуту бегІлара дурхъати ва черяхІти къел. Гъабзадешла хатІли делкІунти къел.

ПатІимат Къурбанова

Къулайдешуни имцІадикІули

Дахадаевла районна диштІати шимазиб хІербирути 2 азириличибра имцІали адамла ГІямрулизир къулайдешуни гІердурцилиси бикърили бетаурли саби илдала хъулразиб мобильный интернет 10 процентла хъярхъибни.

Оператортала технический специалистунани Дагъиста востока шайчир чеимцІа телеком-оборудование кадрихили сари.

Кудагула ва Дибгаликла шимазир багъахъниби днахъни гІяхІцадла хъярхъиубли саби.

Районна шимала цацахІити юртанази мобильный бархбас чебетули ахІен, илди мерладиъни диргалабулхъухІели.

Инфраструктурала сагати объектунани чинаб-дигара сетьличил пайдала-бикІахъести имканти алкъахъули сари.

Гъанна, масайс, Госуслуги сервисла кумекличил дугъабиз бархъес, мерличибси поликлиникализивси тухтурличичи онлайн бархбасла кумекличил ваэс ва илкъяйдали телефойзи музыкара хІязанира дакъахъес вирули сай 70 Мбит/с. скоростличил.

Информационный центр.



Ва дила хала дудеш

(Дила ахIерси ва хьумхIертуси халадудеи Ражабла Къамбулатлис)

Халадудеи, хIерирус
Ну цархIилван хIерриэс.....

(Поэма)



I.

Дай дуги гьанкI бумцIули,
Дардли къацIруцибхIели.
ХIяривси халадудеш,
ХIечи дугьарилзулра.

ХIези бурескIун дила,
ГIяхIла хабар агара.
ХIечилси ихтилатли,
Кумекбирни балулра...

Хабарла халадудеш,
Усулрив вахь паргьатли?
Балулрира чизибал,
ХIела мас мулка ари ?!

ХIуни гIялам балхуси,
Авадан «ЖугьутI-къатти»,
Хьулкна букьурла масван
Чус кабарилли саби.

Айзигу, гьангус дечи,
Кьунзухьес шила ухIнав.
ХIурезализив нартван,
Ахьбуцес шантала гьав.

ДакIуухьенгу, дягIван
ДугIаэс дард-шишимти.
СяхIбатличи жидарес
Дубурла дигIя шими...

Чула мерла кабатес,
ХIед лугьрили калунти.
Халадудеш, ишбархIи
Бахь камлигу хIугьунти.

Ну чузир кьунзрикIути,
Гул вавнала майдунти,
ХIяя агар хIяжарга,
КьачIуба дялчулину.

Дармайс варьа бурчути,
Илар гIяярла мирхьи,
Ламартла угьрашуна,
Агьули далхулину....

Кумеклис музаухьи,
Халадудеш, айзигу.

ХIугьунти камбикIули,
Дунья гьятIаркьулину!

Жавабагар суалтас,
Айзигу, жавабти гес.
ГIякьлу агар гIялимти,
Ца хабарлис уркIаэс!

ХIуни къабулбарибси,
Бицили саби улка.
Жагьли лебай бархьбатур,
Иш Дунья хIела уршба...

ХIези дурестала мах,
БархIилис декIбикIули,
Халадудеш, румсулра,
УркIи иргьул агарли.

Ражабла Къамбулатла,
ДяргIиб шарабла гIиниз.
У булан барсбарилли,
УркIли чус кабаралли?

Севан сабур бариша,
Халадудеш, бурагу?!
Агь, хIела лехIкахьибдеш,
Дила дардла бемцIурдеш!!!

Байрахьван ахьбуцири,
ХIуни Совет хIукумат.
Ленинна, Сталинна,
ХIуни бируси хIурмат.

УрегIали гектарла,
ХIела вегIдешла ванза.
Нешла дерхьибти ниъван,
Матгал хIялалбатурри.

Айгьир урчала илхьи,
ХIяйван-къача, шинкьунти,
Тукен, мас-хазна, мургьи...
Лерил хIялалдатурри!

ХIукуматлис ва ВатIайс,

МяштIхIебарири селра.
Жагьти гIязиз жан дедес,
МяштIхIериб уршба кIелра...

ВатIанна чебяхIси дергь,
БехIбихьибмад арбякьун.
ГIямру чехIедаибти,
Дусмани хIебелсунти...

Ахьиб бузерилизи,
Хьулиб калунти кIелра.
Бамсни балхIебалуги,
ГIямру камти гIулухья.

ВатIа баркьудлумази,
Пай кабирхьули бузиб.
Ца бехIемцIлизив алхун,
Ца вайси изай варгIиб.

Хабар дерхур исбагьи,
ХIела гIямрула гьалмагь,
Ригуб уршбала дардли,
ДакIухьяла ПатIимат...

ХIуни лебдеш бедибси,
Уршба жан харждарибси,
Батур дунья, аррякьун,
Ил уршбачи рахь жявли...

Агь хIела кьайгьни, халкьла
Даража ахьбиахьес!
Жанра ахIерхIейради,
Коммунизма белшахьес.

Халадудеш, гьар дуги.
Дардлизир чIяррикулра,
Нуни ит хIела дунья,
Севан урхIилис батиша?!

Севан хIялалдатиша,
ХIела майьа, хIи, мас мулк?!
Набзирадра керасес,
Бургьулигу хIяжар урхI!!!

Севан муштаррииша,
ХIяяагар лугьрачил.
УрхIла кьиян букути,
Нажас угьрашуначил?!

Ца ганз хIелайчил цугси,
Чуни кахIецIибтани.
Ганздирули диалли,
ХIела вегIдешла хьуми.

Халадудеш, даимлис,
Дишунтив итди гIямру?!
ГIебалкIуси наслулис.
ГIягIнилив хIела амру?!

II.

Михьирлабдали уркIи,
Дурасили лугира.
БегIтала анкьигьуна
СССР чарбухьалри!

Селра мяштIхIебираси,
ГIяхIла хабар бакьасри.
Даршудешра дигира
Халкьла чардухьун ибси.

ГIязиз жан харждираси,

ГIяйшат Бибалаева

Коммунист партиялис.
Халкьлис кьуллукьличибси,
Даршудеш лушул ВатIайс!!!

Патриот бяркьра гили,
ГIилмули дегIдарибти.
Баракат бутIа цугли,
Гьариллис биахьуги.

Битав шанданван чIумал,
Бархьдеш уркIурбазибти.
ЯхIра, къасра, къуватра,
Някьбазибти нартани.

Чинабал хIебалулра,
Узби — коммунистунти?!
Бархьдешла шала-Вождьла,
ГIилмули бегIбиубти?!

Халадудеш, хIунилра,
ХIейруду жавабти гес,
Ганзла гьалав мурталра,
Вируси бархь башутас?!

ХIела дунья каберхур,
Или паргьатриишав?
Бархьдеш гьанси девла тур,
КьяртIайзи кабакIишав?!

СССР гьятIиуси,
Ит кахси сагIятлизиб,
ЧIяр бетаурси уркIи,
Лебал дила бисули.

Рисулра, я нургьбани,
АхIен мугьлат лугули.
Рулгулра, цалра балга,
Кьабулбарес Аллагьли.

Балулра, ишди «двяти»,
Мурхьдиркур наслубази,
ХIела къамлизив левай,
Цалра уркIи бухIнаси.

Агьагьай, хьямчибала,
Някьбалара духьяндеш.
Гьанна хIела мулкличи
Баилигу илди няс!

ХIерли кабиитиван,
Бицайчи гIязиз ВатIан.
ИшбархIи кеплизиб саб,
Ламартла верша шайтIан...

ВалтIас! Риргус! Ва рургьус!
Хьулки, хьямхIя, кIибяхIян.
Халадудеш, хIерирус,
ХIерриэс ну цархIилван.

ХIела рухI сари набчи,
Нурван шаладикIули.
Урехи агарти жан,
ГьаладяхI жидирули.

Илди гьанбиклумани,
ЦIакьра, дебшра кергIули.
Душма дяхIла дурести,
Далилти гIердурули.

МицIирлири мурталра,
Дила баркьудлумази.
Халадудеш, илкьайда,
Кавладра насаблизив.

ХIела кьел-хIерзи дуэс.
БяхIбиубти хIяжартас,
Варгла гьуцIван атIахьес,
Кьалам бугали бихIис!!!

6		Ходатайство об установлении публичного сервитута	
1	Администрация МР «Дахадаевский район» Республики Дагестан (наименование органа, принимающего решение об установлении публичного сервитута)		
2	Сведения о лице, представившем ходатайство об установлении публичного сервитута (далее - заявитель):		
2.1	Полное наименование	Общество с ограниченной ответственностью «Газпром газификация»	
2.2	Сокращенное наименование (при наличии)	ООО «Газпром газификация»	
2.3	Организационно-правовая форма	Общество с ограниченной ответственностью	
2.4	Почтовый адрес (индекс, субъект Российской Федерации, населенный пункт, улица, дом)	194044, г. Санкт-Петербург, вн. тер. г. Муниципальный округ Сампсониевское, пр-кт Большой Сампсониевский, д. 60, литера А.	
2.5	Адрес электронной почты	info@eoggazprom.ru	
2.6	ОГРН	1217800107744	
2.7	ИНН	7813655197	
3	Сведения о представителе заявителя:		
3.1	Фамилия	Мальсагов	
	Имя	Иса	
	Отчество (при наличии)	Абдурахманович	
3.2	Адрес электронной почты (при наличии)	gsp@gsp.gazprom-investgaz.ru, E.Muratov@eoggazprom.ru.	
3.3	Телефон	+7 (87934) 5-54-31, доб.114; +7 (812) 613-33-00, доб. 99882	
3.4	Наименование и реквизиты документа, подтверждающего полномочия представителя заявителя	доверенность от 01.08.2023 серия 78 АВ номер 3335754, удостоверена Бых Ириной Ивановной, нотариусом нотариального округа Санкт-Петербурга, зарегистрирована в реестре за номером 78/688-н/78-2023-7-539	
4	Прошу установить публичный сервитут в отношении земель и (или) земельного участка (земельных участков) в целях (указываются цели, предусмотренные статьей 39.37 Земельного кодекса Российской Федерации или статьями 3.6, 3.9 Федерального закона от 25 октября 2001 г. N 137-ФЗ «О введении в действие Земельного кодекса Российской Федерации»): строительства и эксплуатации линейного объекта системы газоснабжения и его неотъемлемых технологических частей регионального значения «Газопровод межпоселковый от существующего газопровода на н.п. Гуладты к н.п. Урари, н.п. Урхнища, н.п. Сур-Сурбачи, н.п. Худуц, н.п. Ашты, Кунки Дахадаевского района Республики Дагестан», в соответствии с п.1 ст.39.37 Земельного Кодекса РФ.		
5	Испрашиваемый срок публичного сервитута: 10 (десять) лет		
6	Срок, в течение которого использование земельного участка (его части) и (или) расположенного на нем объекта недвижимости в соответствии с их разрешенным использованием будет в соответствии с подпунктом 4 пункта 1 статьи 39.41 Земельного кодекса Российской Федерации невозможно или существенно затруднено в связи с осуществлением деятельности, для обеспечения которой устанавливается публичный сервитут (при возникновении таких обстоятельств) – 12 месяцев		
7	Обоснование необходимости установления публичного сервитута: строительство и эксплуатация линейного объекта системы газоснабжения и его неотъемлемых технологических частей местного значения «Газопровод межпоселковый от существующего газопровода на н.п. Гуладты к н.п. Урари, н.п. Урхнища, н.п. Сур-Сурбачи, н.п. Худуц, н.п. Ашты, Кунки Дахадаевского района Республики Дагестан», в соответствии с п.1 ст.39.37 Земельного Кодекса РФ; - Программа развития газоснабжения и газификации Республики Дагестан на 2021–2025 г., соглашение о взаимном сотрудничестве и Договоры по газификации между администрациями регионов РФ и ПАО «Газпром», предусматривающие осуществление программы газификации в регионе; концепция участия ПАО «Газпром» в газификации регионов РФ, утвержденная Постановлением Правления ОАО «Газпром» 30.11.2009 № 57; - Распоряжение Правительства РФ от 15 декабря 2021 г. № 3603-р об определении ООО «Газпром газификация» единым оператором газификации, подтверждающее право подачи ходатайства об установлении публичного сервитута; -Объект внесен в СТП Постановлением Правительства Республики Дагестан от 30.06.2022 № 210 «Об утверждении схемы территориального планирования Республики Дагестан»; - Проект организации строительства (3010.085ПО/0.1293-ПОС) от 2023 г., выполненный ООО «СтройГазКомплект»; - Документация по планировке территории утверждена постановлением АМР «Дахадаевский район» Республики Дагестан «Об утверждении документации по проекту планировки и по проекту межевания территории для размещения для линейного объекта: «Газопровод межпоселковый от существующего газопровода на н.п. Гуладты к н.п. Урари, н.п. Урхнища, н.п. Сур-Сурбачи, н.п. Худуц, н.п. Ашты, Кунки Дахадаевского района Республики Дагестан» от 25.01.2024 № 8;		
8	Сведения о правообладателе инженерного сооружения, которое переносится в связи с изъятием земельного участка для государственных или муниципальных нужд, а также о правообладателе инженерного сооружения, являющегося линейным объектом, реконструкция, капитальный ремонт которого (реконструкция, капитальный ремонт участков (частей) которого) осуществляются в связи с планируемым строительством, реконструкцией, капитальным ремонтом объектов капитального строительства, в случае, если заявитель не является правообладателем указанного инженерного сооружения (в данном случае указываются сведения в объеме, предусмотренном строкой 2 настоящей формы) (заполняется в случае, если ходатайство об установлении публичного сервитута подается с целью установления публичного сервитута в целях реконструкции инженерного сооружения, являющегося линейным объектом, реконструкции его участка (части), которое переносится в связи с изъятием такого земельного участка для государственных или муниципальных нужд, а также если ходатайство об установлении публичного сервитута подается с целью установления публичного сервитута в целях реконструкции, капитального ремонта инженерного сооружения, являющегося линейным объектом, реконструкции, капитального ремонта его участков (частей): не требуется к заполнению		
9	Кадастровые номера земельных участков (при их наличии), в отношении которых подано ходатайство об установлении публичного сервитута, адреса или иное описание местоположения таких земельных участков	05:27:000032:5 Республика Дагестан, р-н Дахадаевский, с Урхнища	
		05:27:000086:4 Республика Дагестан, р-н. Дахадаевский, с. Сурсбук	
		05:27:000094:7 Республика Дагестан, р-н Дахадаевский, с Гуладты	
		05:27:000094:8 Республика Дагестан, р-н Дахадаевский, с Гуладты	
		05:27:000094:9 Республика Дагестан, р-н Дахадаевский, с Гуладты	

7	05:27:000096:7 Республика Дагестан, р-н. Дахадаевский, с. Сутбук	10	Право, на котором инженерное сооружение принадлежит заявителю (если подано ходатайство об установлении публичного сервитута для реконструкции, капитального ремонта или эксплуатации указанного инженерного сооружения, реконструкции или капитального ремонта участка (части) инженерного сооружения, являющегося линейным объектом) (предоставление правоустанавливающих документов на линейный объект не требуется в случае, если ходатайство об установлении публичного сервитута подано в соответствии со статьей 3.9 Федерального закона от 25 октября 2001 г. N 137-ФЗ «О введении в действие Земельного кодекса Российской Федерации»): не требуется к заполнению.
	05:27:000000:60 Республика Дагестан, р-н Дахадаевский, п "Кубачи"		
	05:27:000000:62 Республика Дагестан, Дахадаевский р-н, МО "сельсовет Урагинский"		
	05:27:000067:13 Республика Дагестан, р-н. Дахадаевский, с. Уркарах		
	05:27:000069:11 Республика Дагестан, р-н Дахадаевский, с Худуц		
	05:27:000089:12 Республика Дагестан, р-н. Дахадаевский, с. Ашты		
	05:27:000090:12 Республика Дагестан, р-н. Дахадаевский, с. Кунки		
	05:27:000092:12 Республика Дагестан, р-н. Дахадаевский, с. Дуакар, Дуакарский		
	05:27:000094:10 Республика Дагестан, р-н Дахадаевский, с Гуладты		
	05:27:000095:18 Республика Дагестан, р-н Дахадаевский, с Сутбук		
	05:27:000000:116 Республика Дагестан, р-н Дахадаевский, с. Кубачи		
	05:27:000000:135 Республика Дагестан, р-н Дахадаевский		
	05:27:000000:306 Республика Дагестан, р-н Дахадаевский		
	05:27:000000:307 Республика Дагестан, р-н Дахадаевский		
	05:27:000000:310 Республика Дагестан, р-н Дахадаевский		
	05:27:000000:311 Республика Дагестан, р-н Дахадаевский		
	05:27:000011:644 Республика Дагестан, Дахадаевский р-н, с Кунки		
	05:27:000013:345 Республика Дагестан, р-н Дахадаевский, с Урари		
	05:27:000088:120 Республика Дагестан, Дахадаевский р-н		
	05:27:000089:162 Республика Дагестан, Дахадаевский р-н		
	05:27:000090:164 Республика Дагестан, Дахадаевский р-н		
	05:27:000001:1785 Республика Дагестан, р-н Дахадаевский, п Кубачи		
	05:27:000000:113 Республика Дагестан, р-н Дахадаевский, с. Кубачи		
	05:27:000013:621 Республика Дагестан, Дахадаевский р-н., с. Урари		
	05:27:000000:371 Дагестан респ, р-н Дахадаевский, с. Ураги		
	05:27:000086:177 Республика Дагестан, Дахадаевский р-н, с. Урари, местность "Цурумцы-Къатты"		
	05:27:000001 Республика Дагестан, Дахадаевский район, п. Кубачи.		
	05:27:000013 Республика Дагестан, Дахадаевский район, с. Урари.		
	05:27:000014 Республика Дагестан, Дахадаевский район, с. Худуц.		
	05:27:000032 Неразграниченная государственная или муниципальная собственность. Республика Дагестан, Дахадаевский район, с. Урхница		
	05:27:000067 Республика Дагестан, Дахадаевский район.		
	05:27:000086 Республика Дагестан, Дахадаевский район.		
	05:27:000088 Республика Дагестан, Дахадаевский район.		
	05:27:000089 Республика Дагестан, Дахадаевский район.		
	05:27:000090 Республика Дагестан, Дахадаевский район.		
	05:27:000092 Республика Дагестан, Дахадаевский район.		
	05:27:000094 Республика Дагестан, Дахадаевский район.		
	05:27:000095 Республика Дагестан, Дахадаевский район.		
	05:27:000101 Республика Дагестан, Дахадаевский район.		
	11		
		в виде бумажного документа, который заявитель получает непосредственно при личном обращении или посредством почтового отправления	да (да/нет)
12	Документы, прилагаемые к ходатайству: Сведения о границах публичного сервитута, включающие графическое описание местоположения границ публичного сервитута и перечень координат характерных точек этих границ в системе координат, установленной для ведения Единого государственного реестра недвижимости (в форме электронного документа); Копия доверенности от 01.08.2023 серия 78 АВ номер 3335754, удостоверенная Бых Ириной Ивановной, нотариусом нотариального округа Санкт-Петербурга, зарегистрированная в реестре за номером 78/688-н/78-2023-7-539.	13	Подтверждаю согласие на обработку персональных данных (сбор, систематизацию, накопление, хранение, уточнение (обновление, изменение), использование, распространение (в том числе передачу), обезличивание, блокирование, уничтожение персональных данных, а также иных действий, необходимых для обработки персональных данных в соответствии с законодательством Российской Федерации), в том числе в автоматизированном режиме
14	Подтверждаю, что сведения, указанные в настоящем ходатайстве, на дату представления ходатайства достоверны; документы (копии документов) и содержащиеся в них сведения соответствуют требованиям, установленным статьей 39.41 Земельного кодекса Российской Федерации	15	Подпись: _____ (подпись)
		И.А. Мальсагов (инициалы, фамилия)	Дата: _____ « _____ » _____ = 2024г.

УВАЖАЕМЫЕ ЖИТЕЛИ ДАХАДАЕВСКОГО РАЙОНА!

Миграционный пункт ОМВД России по Дахадаевскому району сообщает, что в соответствии с Приказом МВД по Республике Дагестан, а также в целях выявления и пресечения правонарушений в сфере миграционного законодательства на территории района будет проходить целевое оперативно-профилактическое мероприятие «Незаконный мигрант» с 19.03.2024 по 28.03.2024 года.

Иностранцам, лицам без гражданства, без регистрации по месту пребывания, (жительства) необходимо явиться в миграционный пункт ОМВД России по Дахадаевскому району для постановки на миграционный учет.

Граждане Российской Федерации (принимающая сторона) обязаны подать по месту пребывания, иностранца уведомление о прибытии или убытии иностранного гражданина.

Поставить иностранца на учет нужно в течение 7 дней с даты прибытия в место, где планируется учет.

Исключение:

- 15 дней для граждан:
 - Таджикистана;
 - Узбекистана.
- 30 дней для граждан:
 - Армении, Казахстана, Киргизии;
 - трудящихся граждан государств

— членов ЕАЭС и членов их семей;
— высококвалифицированных специалистов и членов их семей, если они уже стояли на учете в России, но поменяли местонахождение.

90 дней для граждан:

- Беларуси и Украины;
- высококвалифицированных специалистов и членов их семей.

Если иностранный гражданин не встал на учет в положенный срок, ему грозит ответственность по главе 18 КоАП РФ, штраф от 2000 до 5000 рублей.

Принимающая сторона- гражданин РФ, который предоставляет жилье, также получит штраф от 2000 до 5000 рублей по ст. 18.9 ч.4 КоАП РФ (Неисполнение принимающей стороной обязанностей в связи с осуществлением миграционного учета).

За постановку иностранного гражданина на учет в чужой квартире (доме) или оформление фиктивной регистрации предусмотрена уголовная ответственность по ст. 322.2 и 322.3 уголовного кодекса РФ.

**Начальник МП ОМВД России по Дахадаевскому району
референт ГГС РФ 1 класса
И. Г. Даудов.**

Ахъси даражаличиб бетерхур



Дахадаевла районнизиб «Дагъиста дуслу воспитатель – 2024» ибси лебил Россияла конкурсла республикала муниципальный этап бетерхур.

Конкурс дураберкIиб «Уркухъла НШ-ДС» дазурбазиб. Иш дуслизиб школала гIямуричи ахIебаибтала учреждениела урегал педагог абзлизид кабизуртири районнизиб гIяхIисгIуна воспитательла уличи лайикьбикес багъандан.

Жюрилизи кабурухури багъудила управлениела ведущий специалистуну Р.М.Аттабекова, З.К.Шамхалова, М.О.ГIямарова ва методист М.М. И.БяхIяммадова, «Дагъиста дуслу воспитатель – 2021» конкурсла призер М.Б.Умматова.

Конкурсличир гъарил бутIакъянчили сунела творчестволаси пагъму гъаргирури, сунела санигIятлати устадеш чедиахъури, бузериличи гъамирни, бузерилизир пайдаладирути методикалашалти баркъудлума, бяркъ лугнила бетуц ФГОС-личил далди-

кахъили, гъаладирхъулири.

Муниципальный этапла дуслу воспитатель ретаур кIибиб номерла ДОУ-ла логопед РяхIянат ГIисаева. Районна вакил сарлин илини республикала конкурсла этаплизирра бутIакъяндеш дирути сари.

КIибиб мер Меусишала школадурхIнала анхъла музыкала руко-

водитель Оксана Хизриевас ва цаибил номерла ДОУ-ла физический инструктор Сайгъанат ГIялиевас бутIиб.

ХIябьибил мер бутIиб хIябал конкурсантургаб: «Солнышко» дурхIнала анхъла воспитатель Разият ХIясановас, «Радуга» («ЗурхIяб») ДОУ-ла дурхIнала анхъла воспитатель Узлипат ГIяхIмадовас ва Уркухъла НШ-ДС-ла воспитатель Майсат Алжанбековас.

Чедибикибтас ва призертас декларти ишарабала дипломтира, районна муниципалитетла багъудила управлениела грамотабара дедиб.

Лебилра конкурсла бутIакъянчиби мубаракбарес лайикьли саби. РайхIянат ГIисаева республикала этапличир чедирикили дигниличилара балахъехIе.

Ш. МяхIяммадова.



Мартла 21 — поэзияла БархIи!

Адамтала уркIбазиб
Умут имцIабирути,
УркIила азир пикри
Авал тугъли дуранти.

Мурхъти дигайла дугъби
Гъар девлизир каргъурти,
Кагъарлизи къаламли
СихIру някъишдиранти.

УрхIли чехIебиуси
Пикрилизи кайсанти,
Заманаличил далги
Назмуртани лукIанти.

БугабикIаб къаламра

МурхъдикIаб пагъмуртира,
Гъар бархIи имцIабикIаб
Назмурти дучIантира.

Поэзияла бархIилис мубарак!

Къалам бугали лукIаб
Назмурти имцIадикIаб,
Пагъмуртала ахъанай
ХIушаб мутIигIли биаб.

Арадеш чIумабикIаб
ХIянчи-гъуни кункдикIаб,
Излума гъарахъдикIаб
ХIурмат-хатир ахъдикIаб.

Назмурта лукIугтала
ЛугIи хIяйна бахъбааб,
Гъарил назмула багъа

КIийнаили имцIабиаб.

Назмурта бучIантира
Даимлис каммабиаб,
Къимат ахъси лугули
ЛукIантас икрамбикIаб.

Поэзияла бархIи
Нушаб гIурра гъаббакIаб,
Нушагъунти шягIирти
Дунъя лебай бетмахъаб.

Мубаракдирулра
БархIиличил хIушала,
МурхъдикIаб гъарил бархIи
Пагъмуртира хIушала.

БяхIмуд Булатов.
Усишала ши.

ШИЛА ГIЯМРУ

СЕЛЬСКАЯ ЖИЗНЬ

УЧРЕДИТЕЛЬ:

«Дахадаевла район» МО – ла
администрация.

<http://selskayajizn.ru/>

сетевое издание

«Кала Корейш медиа»

e-mail: inf.otdel7@mail.ru

Тел: 8-964-002-43-06

1931-ибил дусличибад дурабулхъуси
саби

Газета 2009 ибил дуслу
декабрьла 28-личиб массовая ко-
муникациябала, бархбасла ва куль-
тураласи букъур мяхIкамбирнила
шайчиб хIеруди бузахъуси Феде-
ральная служба ДР-лизибси
Управлениелизиб белкIунси саби.
ПИ № ТУ 5-0047

Газета дурабулхъуси саби жумягI
бархIи.

Дусли 52-на дурабулхъан.

Индекс -- 63314

Печатьлизи къулбасбарес
кабизахъурси замана -- 16.00.

Печатьлизи къулбасбарисси
замана -- 16.00.

Редакциялизи дархъибти белкIанас
рецензия лукIуси ахIен, я илди чула
бегIтачи чардирути ахIен.

Газетализи кадирхъути материал-
тала автортала пикрумачил
редакцияла пикри
цугхIебикесра асубирар

ДР-ла миллатласи политикала, ин-
формацияла ва дуралати бархбасу-
нала шайчибси министерствола га-
зетабала-журналтала типография-
лизиб кабахъибси саби.

Адрес: 367018 МяхIячкъалала
шагъар, Насрудиновла уличился
къакъа, 61

Автортани чула материалтала
хIекъдешлис ва бархъдешлис жаваб
лугуси саби.

Редакцияла ва издательла адрес:
Дахадаевла район, Уркухъла ши,
ГI. ГIялиевла уличился къакъа, 9
ТИРАЖ –400 экз

БекI редактор
Чапарова М. М.
Редактор
Курбанова П. О.